

www.BibleForChildren.org

Gina Ngü 3



Fü Adama ayia agü iri wara ye la, gü
ba, Awa, angü ah de ni ye wü kpara
fuh kotö ne 'buru.




Kpürü ta de mere siti mürü mani, te
mani kaka fa nda wü gara nü 'buru.
Gbü gara ra, fü kpürü ayia akoro
amaka wara Adama. Fü ah amala
ngü fü würüse la, gü ba dene, "Me gü
fü yi neh fe? Me gü ba dene, mere bi
wü rirü de gbü yi ne 'buru, yi mere e
azü ri ewü de?
Ngü la fanü?"




Würüse la gü ba
dene, "A'a! Ah bala de.
Me gü ba dene, 'Ani di
ezü wü rí wü rü la 'buru.

Amba 'duwa mene rü de kpa etü yí de
kpala, ani mere e azü riri na de. Ani to kpa
ani tete na kpah de, angü ani ena akpi.' "



Kpürü gü ba dene,
"Me fiti yi ka-ye nda
afiti! Yi kpi nda-yi de. Ah
tiri yi teka te yi ena azü
ri-rü la, jia yi ena aü, fü yi awu da aye süka
züka ngü ake siti ngü. Fü yi afü te-yi mürü
talara, kpah baka ni, Me."




Würüse, fü mü ayia aceka kpi. Fü ri-rü la areke gbü jia mü. Fü mü afi, gü ba, "Te ah bala la, ah de züka ri-rü te türü atürü. Te ani zü la, ah ena afü ani baka mürü talara fanü." Fü würüse la ayia akolo ri-rü la, azü, aza adu di, ato fü wati ye. Fü wati ye na adu kpah azü.



Wüh kpah bü te ezü rî-rü la de, fü jia ewü ayia aü. Fü ewü awu te-wü, te ewü ngbü ka-wü tine ngirimu. Fü ewü ayia akolo kpa rü, azi eküte wü.





Fü Me ai i, gü ba, "Adama! Adama!
Mü neh kaye?" Adama gü ba, "Ani je bü giri ye te ye
ngbü ekoro ne. Fü ani akpe awo te-ani teka vi-jia,
angü ani akine ngirimu." Me gü ba dene, "Mü wu
neh baye, gü ba, ani ngbü ngirimu? . . ."





“ . . . E-mala ngü la fü mü neh da? Te di bala, mü zü ri-rü ka talara ngü, ta te ma mala nganga fü mü ne eyi? Ngü ta te ma mala fü mü teka rirü la, mü je de, neh teka ne? Angü ma mala ta eyi fü yi, gü ba, yi mere e azü ri-rü la de.”



Adama gü ba dene, "Ngü ka-ni ma. Ah bü de wü rüse, de te ye to fü ni ne, ah to ri-rü la fü ni me-ye, fü ni azü." Fü Me adu amala ngü fü wü rüse la, gü ba, "Ye mere ngü la bala, teka ne?" Wü rüse la gü ba dene, "Ngü ka-ni nda ma, angü kpürü fiti ni ka-ye nda me-ye. Fü ni ayia aza ri-rü la, azü."




"Te di bala, ni ena aza ewü gbü
yi la asidi. FÜ ewü adi esö e,
emaka e-mazü gbü tö, de ta te ni
fa ewü gbügbü na ne."






Fü Me ayia aliki ewü agbü yi ka-ye la
asidi. Fü ah atima gara wü mere
*malayika ka-ye, gü ba, "Wü nü,
wü ngbü gbamari era yi ka
Edene sela, to kpa fügö. Fü wü
adi etiri kaje ka
yi la."





Fü Me aza mere
maguruma, te ngbü embele sü
ambele ba te-wa la, ato esaka wü
malayika ka-ye la, gü ba, "Wü di eci
sü ekere yi la, angü wü kpara
ena anü kpala, aza ri-rü ka
küküwa la, azü,
fü ewü angbü fi
mere badi."






Fü wü malayika la angbü kpala,
atiri kaje la fi bala.




Fütanga ngü la, fü wara Adama ayia abi gina enga ye, komoko. Fü ah agü iiri na gü ba, Kayina, angü Me to ye komoko la fü ni me-ye. Fü ah adu abi kpah gara ye komoko, fütanga Kayina, agü iiri na, gü ba, Abele. Fü wü jaji la ayia aga 'basu mini. Kayina, mü ta nda-mü de kpara, te mü ngbü esö yi. Abele, mü nda-mü ta de mürü wü kambiliki.



Gbü gara ra, fü Kayina ayia aza tari-e gbü yi ka-ye, ato fü Mere Me. Fü Abele ayia aza kpah nda-ye züka enga kambiliki, te zege fa sü. Fü ah amörö, awete soso na, ato 'buru fü Mere Me.




Nda Kayina, tari-e, de te engu to ne, Me le nda de. Me le ka-ye 'duwa nda Abele. Fū ngü la ayia asiti te Kayina afa 'duwa sü. Fū Kayina angbü da endunduru gbüra ye teka ngü la.



Fü Kayina adu akoro amaka enga ni ye. Fü ah ayia afiti enga ni ye, gü ba dene, "Abele deyì, ani nü ka-ani la, andoro agbü gü." Fü ewü ayia anü andoro agbü gü. Te wüh koro kpala, fü Kayina ayia atì te enga ni ye, azoro engu, amörö ka.

Fü Abele ayia akpi. Fü Kayina ayia alügü te-ye adu ka-ye kpa eköti kpikpi ye.



Fü Me akoro ayi-ta Kayina, gü ba dene, "Kayina deyî, engä ni mü neh kaye?" Kayina gü ba dene, "Ho! Ma de kpara te ma ngbü eceka kpi fütanga engä wüna me-ra?" Fü Kayina ayia engagira Me, akpe ka-ye, angbü ejiji fi bü tikpi tikpi, kpa ekere Edene, to kpa fügö.



Fütanga kpi ka Abele, fü Awa ayia abi gara ye, agü iiri na Sete. Fü ah ayia amala, gü ba dene, "Me to gara ye eyi fü ni da Abele, ta te Kayina mörö engu ne."



Fü ah mere fütanga ngü la wü re kama 'bajena (800), fi da ebi bi wü gara jaji. Te wü re kaka koro tete 'buru kama menewa teke biri de füh ye nzükpa (930), fü ah ayia akpi.



Ta gbü wü re la, wü kpara ngbü emere *siti
ngü, te nga wü sikpi 'buru, efa sü le. FÜ
fingangü ka-ewü la angbü esiti gbü jia
Me 'duwa ba-neh-ene-la. Te Me wu
ngü la bala, fü ngü la ake tete
'duwa ba-neh-ene-la.



Fü ah adu afi, gü ba, "Te ah bala la, ni ena amörö ewü amörö 'buru asidi, de wü lu, de wü nü, de wü e ta te ni mere ne 'buru. Ni ena aürü nga ewü aürü 'buru 'buru asidi!"




Amba kpara ta ladü biringbö, te ngü kaka reke
gbü jia Me. Ah de Nüwa. Wü di Nüwa, iri ewü
de Seme, Ama, bete Yapete.



Angü Me le ngü ka wü kpara füh kotö
ne fa sü, fü ah ayia atima biri Ye ye
biringbö, teka aküwa nih. Te di bala,
te mü to maguma mü fü Yesu la, mü
tî akpi fi de. Mü ena aküwa ka-mü
aküwa fi badi.



2



60



Rüma 3:23 angü a ngbü kpah emere *siti ngü baka gara wü kpara füh kotö ne 'buru. Angü züka kpara biringbö, te di mbi gbü jia Me, nda ma.

Rüma 6:23 Mene kpara te ngbü fi bü emere siti ngü, gara takpa te wüh ena ato fefe nda ma. Ah ena akpi, fü ewü aza engu agü agbü wa, fi mere badi. Amba, mene kpara te to maguma ye eyi fü Miri ka-nih Yesu Kurisito la, Me ena ato mere züka ngü fefe, teka *züka maguma ye. Fü engu aküwa fi mere badi.

Ebere 9:27 De-nih, wü kpara ka kotö ne, nih ngbü ekpi neh du fe? Nih ngbü ekpi ngbee du biringbö. Sidi nga kpi la, fü nih adu akoro arü engagira Me, teka fü Me akolo ngü ka-nih.



Efeso 2:8,9 Angü Me küwa yi 'duwa bü nzö teka züka maguma ka-ye. Ah küwa yi bala, teka te yi to maguma yi fü Yesu. Mü ti aküwa te-mü de tete-mü nda-mü de. *Küküwa la, ah de takpa ka Me, te to fü nih kükürü, teka züka maguma ka-ye. Yi efi nda-yi, gü ba, "Me küwa ani ne, neh teka züka wü tima ka-ani, de te ani ngbü emere ne?" A'a! Ah bala de. Ah küwa yi ka-ye bü duu teka züka maguma ka-ye. Te di bala, yi mere e adi egbo nga yi de.

Rüma 10:9,10 Si-ngü gbü ngü la, gü neh fe? Si-ngü gbü ngü la ena adi bane. Te mü to maguma mü eyi fü Yesu, fü mü amala mbölö, gü ba, "Yesu Kurisito de Miri ka-ni," fü mü ale kpah, gü ba, "Me zükü engu eyi gbü kpi fanü fanü la," mü ena aküwa ka-mü aküwa. Angü, te nih to maguma nih eyi 'buru 'buru fü Yesu la, ngü ka-nih ena areke gbü jia Me. Kpah bala, te nih mala ngü ka Yesu mbölö, gü ba, "Nih to maguma nih eyi fefe la," nih ena amaka *küküwa.



Yüwane 3:16,17 Angü Me le ngü ka wü kpara füh kotö ne fa sü, fü ah ayia atima biri Ye ye biringbö, teka aküwa nih. Te di bala, te mü to maguma mü fü Yesu la, mü ti akpi fi de. Mü ena aküwa ka-mü aküwa fi badi. Me tima Ye ye füh kotö ne, neh teka ne? Teka ato kuru te wü kpara? Ah bala de. Me tima Ye ye teka aküwa wü kpara füh kotö ne 'buru.

1 Yüwane 5:11-13 Dela wü ngü de te gü tamu ngü fü nih, gü ba, Yesu de Ye Me fanü fanü. Te di bala, Me küwa nih eyi fi mere badi, teka ngü ka Yesu. Angü, te mü to maguma mü fü Ye Me la, mü küwa eyi fi mere badi. Amba, te mü le ngü kaka de la, mü ti aküwa nda-mü kpah de! Wü di engä ra, dela wü ngü de te ma ba eyi fü yi bala, teka fü yi awu, gü ba, te mü le ngü ka Yesu Kurisito, Ye Me, de maguma mü la, mü küwa eyi fanü fanü, fi mere badi.



Gina Ngü 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Mundu Bible (muh) © 2005, Wycliffe Bible Translators, Inc.
All rights reserved.

<https://live.bible.is/bible/MUHWBT/MAT/1>

©2026 Bible for Children, Inc.

www.M1914.org

www.bibleforchildren.org

